

PPk eta PSE-EEK gobernu akordio bat hitzartzea baztertu du Rodriguez Zapaterok

Ajuria Enekoaren moduko itunak egin behar direla esango dio gaur Aznarri

Agentziak / Leon

PSE-EEren eta PPren artean Euskal Autonomi Erkidegorako gobernu itun bat hitzartzeko aukera baztertu du Jose Luis Rodriguez Zapaterok, PSOEko idazkari nagusiak. Gaur Espainiako gobernuburu Jose Maria Aznarrekin bilduko da, eta ez diola horrelako akordiorik proposatuko esan zuen. Dena den, Euskal Herriko egoeraz hitz egin bai, eta «Ajuria Eneko ituna edo antzekoak berregiteko» eskatuko dio Aznarri.

EUSKAL HERRIKO egoeraz eta ETaren kontrako jardueraz hitz egingo dute gaur Moncloan Jose Maria Aznar presidente espainiarrak eta PSOEko idazkari nagusi berriak, Jose Luis Rodriguez Zapaterok. Aznarrek iragarria zuen PSOEek idazkari nagusia izendatu bezain laster deituko zuela egoera politikoaz hitz egiteko, eta bereziki, Euskal Autonomi Erkidegoan PPren eta PSE-EEren arteko gobernu akordio bat egiteko aukeraz hitz egiteko.

Bide horretan lan egitea, ordea, baztertu egin du oraingoz Rodriguez Zapaterok, «inork ez baitu pentsatu behar Euskadiko hauteskunde eszenatokia aldatzeko presaga dagoela, ez delako hori demokraten lehentasuna». Bezperan eginiko adierazpe-



JOSU ETXEBARRIOSTE

Rodriguez Zapatero, PSOEko lehendakari, zela Redondo Terrerosekin Bilbon egindako agerraldian.

netan ere, Zapaterok ez zion lehentasuna eman EAEn hauteskundeak aurreratzeko eskaerari.

«EAJk bueltako bidaia egin behar du»

EAJk «Lizarratik PPrekiko eta PSOErekiko elkarriketara bueltatzeko bidaia» egin behar duela esan zuen atzo PSOEko buruak Leonen. Uste du aldaketa horrek ez duela presio politikoaren ondorio izan behar, «EAJren gogoeta propioaren ondorio baizik».

Ildo horretan, «euskal

alderdi demokratikoen arteko akordioa» egitearen alde mintzatu zen, eta Jose Maria Aznarri «Ajuria Eneko ituna edo antzekoak berregiteko» eskatuko diola iragarri zuen. «Lan hipotesi hori proposatuko diot, baina ildo horretan sozialistok egiten dugun edozein proposamen erabateko diskrezioz egingo dugu, eraginkorra izan dadin».

Gaurko bileran gehienbat ETaren kontrako jardueraz jardungo dutela azaldu zuen Rodriguez Zapaterok. ETaren ekintzak areagotu diren arren, erakunde armatuaren kontra PPren Gobernuak «bere

esku dituen bitarteko guztiak» jartzen ari dela uste du buruzagi sozialistak. Hala ere, Gobernuak ekimen gehiago eta bake plan bat egin beharko dituela esan zuen. «Gure aldetik, leialtasuna baino ez du izango, batasuna eta sostegua borroka antiterroristan».

Ibarretxerekin
biltzekoa da
Redondo Terreros

Agentziak / Bilbo

NICOLAS REDONDO TERREROS PSE-EEko idazkari nagusia Juan Jose Ibarretxe lehendakariarekin biltzeko asmoa dauka datozen egonotan, iturri sozialistek adierazi duteenez. Bileraren helburua alderdien foro bat eratze-ko aukera aztertzea da.

Sozialistak «demokraten batasuna berriz lortzeko beharra» azalduko dio lehendakariari, baita Madrilgo Gobernuaren eta Eusko Jaurlaritzaren arteko harremanak normalizatzeko beharra ere.

Redondo Terrerosak atzo adierazi zuenez, EAJren aldaketa eta Madrilgo eta Gasteizko Gobernuaren arteko elkarlana beharrezkoak dira «ETari esateko ez duela Espainiako politikan eraginik izango bonba asko jarri arren». EAJk «bide demokratikoetara itzultzeko» eskaera egitean Jose Luis Rodriguez Zapatero PSOEko idazkari nagusiarekin bat datorrela esan zuen.

Ibarretxeren eta Redondo Terrerosen arteko bilera, sozialistek esan duteenez, aste honen bukaeran edo abuztu hasieran izan daiteke, bihar PSE-EEko zuzendaritzaren bilera egin eta gero.

EAK EHrekin dituen udal itunak hautsiko ditu Legazpin, Urretxun eta Zumarragan

■ Gaur eztabaidatuko dira udal bilkuretan EAJk indarkeriaren aurka aurkeztutako mozioak

Agentziak / Donostia

GAUR eztabaidatuko da EAJk indarkeriaren aurka aurkeztutako mozioa Gipuzkoako Legazpi, Zumarraga eta Urretxuko udaletxeetan. EHk testua onartzen ez badu, orain arte egin bezala, haiekin daukan udal ituna hautsiko duela esan du EAK; alkatetza du EAK herri horietan.

Erabakia Gipuzkoako hiru herri horietako EAKo ordezkariak hartu zuten atzo, batzorde eragilearekin batera. EHrekin hausteko erabakia

«giza eskubideak eta udalaren gestioa eta gobernagarritasuna» kontuan izanda hartu zutela adierazi zuten.

EAK alkatetza duen udaltan egoera herriz herri aztertuko zuela esan zuen, eta ituna hautsi edo ez herri bakoitzaren egoeraren arabera erabakiko zuela. Horrela, Deban, lehengo astean indarkeriaren aurkako jeltzaileen mozioa onartu ez zuten arren, EAKo alkate Jesus Maria Agirrezabalak ez zituen EHko zinegotziak kargugabetu.

Beasainen eta Bergaran

EAJko alkateek hautsi zituzten EHrekiko itunak, jada aurrez Bizkaiko herrietan egin zuten bezala. Bi herri horietan, EAK jeltzaileen mozioa onartu egin zuen, baina ituna haustearekin ados ez zegoela adierazi zuen.

Jeltzaileen testua eztabaidatzear dago oraindik Zarautzen, eta bertako alkatetza ere EAren eskuetan dago. Elgoibarren eta Ordizian ere, EAJren alkateekin, aurrerago egingo dute, baita Mutrikun eta Aretxabaletan ere (EHk ditu alkatetzak horietan).

• BIZKAIA •

72 BOE Etxebizitza Muskizen
24 Gizarte Etxebizitza eta BOE 30 etxebizitza Sopuertan

**EUSKO JAURLARITZAK MUSKIZ ETA SOPUERTAN
SUSTATUTAKO ETXEBIZITZEN ONARTU ETA
EZ-ONARTUEN BEHIN BEHINEKO
ZERRENDAK ARGITARATU DITU**

Eusko Jaurlaritzako Lurralde Antolamendu, Etxebizitza eta Ingurugiro Sailak Muskizen sustatutako 72 BOE, Babes Ofizialeko Etxebizitzak (32 etxebizitza San Juan PRCL5 Poligonoan eta 40 etxebizitza San Juan PRU4 Poligonoan) eta Sopuertako 24 Gizarte Etxebizitzak Ordezkaritza (Gran Vía 85, 7ª Bilbo) eta 30 BOE etxebizitzak (Llantada de Mercadilloko 1. 5 Eremuan) onartu eta ez-onartuen behin behin-eko zerrendak argitaratu ditu.

Zerrendak Bizkaiko Etxebizitza Saileko Ordezkaritzan izango dira ikusgai aipatzen diren egunetan. Erreklamazioak aurkezteko epea adierazten dena da. Informazio gehiago eskuratzeko Etxebideren 902-42.44.44, telefono zenbakira dei dezakezu.

Zerrenden kontsulta eta erreklamazio epea

Zerrenden kontsulta epea: Uztailaren 24etik Abuztuaren 7ra
Erreklamazioen aurkezpen epea: Abuztuaren 8tik 22ra
Lekua: Bizkaiko Etxebizitza Ordezkaritza (Gran Vía 85, 7ª Bilbo).
Ordezkaritzaren ordutegia: Astel.-Ostl: 9.00 -14.00.

EUSKO JAURLARITZA
LURRALDE ANTOLAMENDU,
ETXEBIZITZA ETA INGURUGIRO
SAILA

GOBIERNO VASCO
DEPARTAMENTO DE ORDENACIÓN DEL
TERRITORIO, VIVIENDA Y MEDIO
AMBIENTE

Tfnoa. 902.42.44.44 www.euskadi.net/etxebide